

Prome Minister

Eman:

“Lidernan di
 antes a hiba
 nan lucha
 cu respet,
 sin rencor y
 polarisacion”

ORANJESTAD – Prome Minister Mike Eman a hiba un bunita discurso riba Plasa Monumento 18 di maart, unda e forma humilde con politico di antes tabata hiba politica en comparacion cu e situacion actual a resalta. Un ambiente mas humano y cu respet pa otro sin cay den humiliacion.

Anticipando e fecha special 18 di maart, recordando 40 aña di Aruba su Himno y Bandera y 30 aña di su Status Aparte, tabatin un ceremonia riba Plasa Monumento 18 di maart riba 17 di maart. Riba e plasa nombrenan di 2147 hende homber balente cu na 1947/1948 a firma un documento pidiendo pa Aruba ta “Baas den su mesun cas”. Un peticion cu a wordo entrega na Reina Wilhelmina y a compana e mocion entrega door di Shon A Eman na Mesa Rondo dia 18 di maart 1948. Aki e fundeshi pa nos Status Aparte a wordo poni.

E ceremonia protocolar a conta cu presencia di Gobernador Fredis Refunjol, invitadonan di e islanan Hulandes di Caribe y di Hulanda. “Awe tardi ta un momento grandi pa nos pa para na pia di esunnan cu tabata lider pa nos e prome momento di gritonan di un Status Aparte pa pais Aruba. E lidernan aki, e.o. Shon A Eman, no a cana nan so pero cu un gran parti di e pueblo Arubano loke a keda como prueba den un acta notarial firma pa 2147 persona y entrega na Su Mahestad La Reina Wilhelmina. Un documento cu a keda presenta den e Prome Conferencia di Mesa Rondo, unda cu pa prome biaha e Status Aparte a haya su reconocimiento,” Eman a expresa.

Prome Minister Eman:

“Lidernan di antes a hiba nan lucha cu respet, sin rencor y polarisacion”

ORANJESTAD – Prome Minister Mike Eman a hiba un bunita discurso riba Plasa Monumento 18 di maart, unda e forma humilde con politico di antes tabata hiba politica en comparacion cu e situacion actual a resalta. Un ambiente mas humano y cu respet pa otro sin cay den humiliacion.

Anticipando e fecha special 18 di maart, recordando 40 aña di Aruba su Himno y Bandera y 30 aña di su Status Aparte, tabatin un ceremonia riba Plasa Monumento 18 di maart riba 17 di maart. Riba e plasa nombernan di 2147 hende homber balente cu na 1947/1948 a firma un documento pidiendo pa Aruba ta “Baas den su mesun cas”. Un peticion cu a wordo entrega na Reina Wilhelmina y a compaña e mocion entrega door di Shon A Eman na Mesa Rondo dia 18 di maart 1948. Aki e fundeshi pa nos Status Aparte a wordo poni.

E ceremonia protocolar a conta cu presencia di Gobernador Fredis Refunjol, invitadonan di e islanan Hulandes di Caribe y di Hulanda. “Awe tardi ta un momento grandi pa nos pa para na pia di esunnan cu tabata lider pa nos e prome momento di gritonan di un Status Aparte pa pais Aruba. E lidernan aki, e.o. Shon A Eman, no a cana nan so pero cu un gran parti di e pueblo Arubano loke a keda como prueba den un acta notarial firma pa 2147 persona y entrega na Su Mahestad La Reina Wilhelmina. Un documento cu a keda presenta den e Prome Conferencia di Mesa Rondo, unda cu pa prome biaha



e Status Aparte a haya su reconocimiento,” Eman a expresa. Den e parti di discurso na Hulandes, Prome Minister Eman a resalta e calidad di e politiconan di antes, cuminsando cu e perseverancia pa Status Aparte cu nan tabata kier pa Aruba, apesar cu nan a haya hopi biaha un NO duro riba nan peticionnan. Pero durante diferente generacion, e lucha a sigui, pa realisa e deseo di Aruba cu a keda concretisa riba prome di januari, 1986. “Cada biaha cu nos recorda nan, ta bini dilanti e perseverancia, e curashi y e vision. Pero un tema cu kisas nos no ta señala suficiente di e lidernan aki ta e tolerancia.” Prome Minister Mike Eman a papia di polarisacion den politica di awendia, e forma con ta humilia otro. Pero tambe con ta discrimina ciudadanonan di otro rasa, den discusionnan politico, principalmente na paisnan unda democracia a nace. Pues awe no ta mira e tolerancia cu tabata existi cerca lidernan di antes. “Ta hopi special cu nos lidernan den

tur nan frustracion, den tur nan confrontacionnan hayando poco atencion pa nan lucha y sinembargo nan tabata asina convenci di e deseo profundo di e pueblo y nunca a baha nan mes na un nivel asina bou y tampoco a crea problema contra cierto grupo di e poblacion.” Mester reconoce e virtud aki di e politiconan di antes cu si tabata respeta derecho di otro, apesar cu nan mes a wordo humilia y trata cu poco respet. Nan a sigui cu nan lucha cu respet y humildad.” E caracteristicanan di e lidernan di antes, ta loke a tipifica e habitantenan di e isla aki y cu a haci Aruba asina grandi den turismo.

“Nos ta mira tur otro hende como un ruman of un amigo nobo,” Prome Minister Eman a bisa. Na final, el a remarca cu den e lucha di Status Aparte no mester lubida e curashi di e lidernan cu a demostra poco rencor y pa cual el a pidi un aplauso, caracteristicanan cu mester wordo sigui pa e generacionnan cu ta bin.



Minister Oduber:

Durante Manifestacion Cultural, nos Cultura ta conecta

Como Minister di Cultura, Sr. Otmar Oduber a hiba palabra pa inicia e Manifestacion Cultural riba Plaza Libertador Betico Croes. Un plaza completamente renoba unda e mandatario a tuma un rato pa gradici tur cu a yuda pa haci esaki posibel. Un Plaza Betico completamente yen di nos hendenan cu a bin pa celebra.

Cu un emocion grandi Minister Oduber a reconoce e celebracion grandi di 30 aña di nos Status Aparte y 40 aña di nos Himno y Bandera. E mandatario ta indica: “Ta 40

aña cu nos ta wak nos bandera ta bula y nos ta scucha cu hopi orguyo nos Himno na momentonan special y na momentonan cu nos ta recorda nos mes cu e pida baranca aki, a base di nos antepasadonan cu tanto a bringa y lucha pa awe nos tin e libertad aki dentro di reino y nos por celebra tambe 30 aña di nos Status Aparte.”

Manifestacion Cultural ta inicia oficialmente e Celebracion Nacional oficialmente. Aunke e mandatario mes a indica cu Aruba ta den pleno celebracion ya caba for di inicio di luna. A inicia cu festival di un Canto pa Nos Himno

y Bandera di nos hobenan, sigui pa Poeta di Patria y despues e festival grandi di un Canto pa Aruba.

Mirando cu nos ta den un aña historico a lansa un produccion unico, un bunita proyecto di Jonathan Viera como obsekio pa nos Gobernador Sr. Fredis Refunjol. Mas cu 60 musico a unifica cantando nos Himno Nacional.

Un produccion cu ta yena cada un di nos cu hopi emocion. Durante e manifestacion Cultural a toca na Minister di Cultura pa presenta e parti oficial unda Alidia Wever acompaña pa un gran can-

tidad di musico y artistanan a presenta un anochi di cuentanan magico, cuentanan cu pa mas di 500 aña ta wordo conta den diferente storia pa medio di e diferente rasanan riba e isla asina importante aki cu nos ta yama nos dushi Aruba. Storianan di Amerindio, Africano te na e Europeo y awor pa tur e nacionalidadnan existente cu ta bibando hunto den harmonia cu otro den pas y union aki riba nos pida baranca. tur esaki ta conecta cu otro.

Esey ta haci nos asina diverso, asina creativo, gentil, amabel pero tambe perseverante pa yama nos mes un Arubiano.

Nos ta conecta cu e lama cu ta baila sin descansa tur rond di nos planeta y cu a duna y ainda ta duna nos hendenan cumindanan saludabel pa come tur dia.

Nos ta conecta cu e suela fertile di nos continente firme cu ta duna henter mundo di come, unabes awasero drama su bendicion riba dje. Nos cultura ta conecta.

Cu su historia rico cu tempo a regala den malo y den bon, pasobra tur e conexionnan aki ta haci tur cu ta biba ariba e pida baranca aki un Arubiano. Un Arubiano conecta cu su Cultura. □